

Izveštaj o obilježavanju Dana škole, 28. 04. 2016. godine

Manifestaciju povodom Dana škole upriličili smo u četvrtak, 28. 04. 2016. godine i ove godine obilježili smo 63. godišnjicu rada i postojanja naše škole.

Fiskulturna sala je maštovitošću i vještinom naših aranžera, učenika IIIa razreda Bakira Ajanovića i Doris Malešević, uz podršku profesorice Adrijane Todorović-Panjeta, postala prostorom dostojnim za obilježavanje Dana škole, a hol škole pretvoren je u galeriju u kojoj smo izložili radove školskih sekcija. Za tehničku podršku i ove godine bio je zadužen profesor Seid Mahmutović, a pomagao je i učenik IIIa razreda Bakir Ajanović.

U okviru programa direktorica škole, Kanita Selmanović-Kulo, uručila je pohvale i nagrade za učenike koji su se isticali svojim učenjem i aktivnošću u radu sekcija i školskih projekata. Predstavili su se učesnici nekoliko sekcija te pokazali svoju sposobnost, kreativnost i talent. Imali smo priliku pogledati u kojim projektima je škola učestvovala u ovoj školskoj godini. Prezentaciju projekata pripremila je učenica Merima Babić uz pomoć profesorice Naide Hadžić. Članovi dramsko-recitatorske sekcije, učenici Ib i Ic razreda (Džan Palavra, Almir Zahirović, Kerim Zeković, Emir Kalajdžić, Hamza Karišik i Eldar Ramić) predstavili su se kroz dvije tačke: igrokazom *Imam ideju* i monodramom *Budi ono što jesi* u izvedbi učenice Nađe Šehović, a autorstvo oba teksta potpisuje profesorica Jasmina Smajić. U nastavku programa članica novinarske sekcije Lejla Fijuljanin promovirala je novo izdanje školskog časopisa *Marketing*. Dan škole bio je prilika i za premijeru filma koji je pripremila filmska sekcija, učenici IIIa i IIc razreda (Ahmed Assaad, Haris Mehović, Bakir Ajanović, Ajla Imamović, Zlatko Mušić i Dženan Kovačević), uz pomoć profesora Armina Bibera. Svoj doživaljaj i interpretaciju pjesme *Barbara* Žaka Prevera pokazali su nam učenici IIc razreda, Dženan Kovačević kao narator i Samina Džudžević i Vedad Salihagić kao glumci. Program smo završili plesnom tačkom učenica Ib odjeljenja (Berina Džanko, Lejla Žiga, Hadžira Dacić, Nudžejma Ferhatbegović, Dženita Kuldija) koju su pripremile uz pomoć profesorice Have Dautbašić.

Ove školske godine ispraćamo četiri odjeljenja maturanata koji su u okviru trogodišnjeg i četverogodišnjeg obrazovanja u ovoj ustanovi stekli znanja i sposobnosti za dalje školovanje ili zaposlenje, pa smo nakon svečanosti organizirali druženje sa maturantima i probali već tradicionalnu maturantsku tortu.

Veliku zahvalnost dugujemo Sindikatu radnika trgovine i uslužnih djelatnosti BiH koji nas podržavaju u brojnim projektima, pa smo tako i ove školske godine dobili značajna sredstva za realizaciju projekta obilježavanje Dana škole i printanje školskog časopisa *Marketing*.

Zahvaljujemo se svim učesnicima, učenicima i njihovim profesorima-mentorima, na doprinosu koji su dali u obilježavanju Dana škole.

Organizacijski tim  
Tatar Amela, prof.  
Samra Operta, prof.